



明詩正聲卷二十二 五言律詩三

廣陵

盧純學 編輯

江一夔 校閱

得錢水部書

何景明

故人俱落魄 水部近何如
河上三年別 天涯十月書
烟波愁望裏 風雨夢魂餘
更枉懷人作 長吟淚滿裾

九日同馬君卿任洪器登高

歲歲重陽菊 開時不在家
那知今日酒 還對故

園花野靜雲依樹天寒鴈聚沙登臨無限意何
處望京華

宿胡山人家

騎馬侵晨出看山至日昏鳴鷄千嶂裏高樹一
家村白石斜通徑清泉直到門祇疑人世外別
自有乾坤

西郊秋興

蕭條萬峰裏門巷靜無譁積艸唯三徑垂楊自
一家寒雲抱古木晚日媚殘花歲事看如此能

教負物華

其二

嚴風日已蕪落葉轉紛紛遠樹斜銜照寒山半
入雲步兵常嗜酒水部本能文悵望千秋上斯
人亦不群

病馬

從來西域種會是渥洼生不惜千金買寧辭萬
里行天寒思故道歲晚滯空城牽向閑階下長
鳴意不平

明詩正卷
卷二十二
至日寄孟望之汶上

至日懷親友題書在帝鄉風雲餘歲色梅柳復
年芳白髮行歲裏青尊涕淚傍思君魯城北汶
水日湯湯

送呂子

京洛三年客雲霄萬里違上書俱不報解佩獨
先歸北極臨燕甸南山繞漢畿相將未可料岐
路斷蓬飛

送王生還嵩州兼訊趙叔

此向嵩州去遙看溟海窮行人三月盡獨馬萬
山中雪嶺銜西日春沙起北風傳書問故舊天
地一冥鴻

鑑公房石鐙

石盤何年鑿瑤鐙此夕然雲流自五嶽月色近
諸天定裏金輪轉光中玉鏡懸西來不滅影常
照法筵前

秋夜

暝砌凝寒色高樓閉綺櫳露蟲吟蟋蟀風葉下

梧桐此夜關山月何人悵望中
悽然感秋思况復聽征鴻

秋雨

斷續城頭雨空齋綠蘚封孤燈聞過鴈四壁起
鳴蛩細草傷心碧幽花滿目濃美人居綺陌幾
日不相逢

送楊太常

聞道西南寇猶多虎豹群過秦應有論諭蜀可
無文未返巴山使空懸棧道軍煩將父老意歸

報聖明君

送彭總制之西川

蜀道青天上岷山赤日西九重連授鉞萬里動
征輦開府松沙靜懸軍玉壘低知公安蜀計諸
葛大名齊

諸將

萬方皆寇盜諸將半公侯未息蒼生困猶煩玉
食憂珥貂前日賜汗馬幾時收莫倚兵車力安
危在運籌

明言正聲 卷之二十三
鏡光閣

峻閣岩堯上層城眺望中風鈴齊送響雲磴曲
盤空海色搖窓碧蓬萊影日紅翠華無復到長
鎖翠微宮

普緣寺有馬融讀書洞

春山尋古寺昏黑尚攀緣仄逕千峰轉巉崖萬
仞懸虎常啼白晝猿忽墮青天欲訪名賢洞冷
泠隔澗泉

昭烈廟

漂泊依劉計間關入蜀身中原無社稷亂世有
君臣峽路原通楚岷江不向秦空山一祠宇寂
寞翠華春

懷李獻吉

冠劍京華地斯人獨可哀神龍在泥滓朱鳳日
摧頽世路無知己乾坤孰愛才梁園別業在何
日見歸來

雨後次孟望之韻

萬里看無際高秋接素氛江村昏片雨石壁斷

孤雲鴻鴈常求侶
鳧鷖不離羣
寒山有落木
風起暮紛紛

寄張伯純提學

舊屬朝端望
俱稱柱下才
九霄驄馬出
千仞鳳凰來
河洛經中嶽
星辰動外臺
山城有桃李
花向幾時開

盜起

盜起從畿甸
徒勞將帥心
徵兵搖白羽
募士散黃金
天地河嵩隔
風塵海岱陰
萬方吹盡角
此

曲淚沾襟

送李體仁按雲南

漢使西南域
天王節制名
九霄看鳳下
萬里避驄行
風偃蠻夷靜
霜驅瘴癘清
壯遊仍攬轡
從此慰平生

送郭刑部守寧波

漢庭黃綬吏
西省白雲司
豈謂為郎久
猶言出守遲
雲霄懸賜履
江海入褰帷
古越今名郡
風流當在茲

日言正聲 卷之三
寄王康呂三子

鄠社終南曲邠岐渭北垂水多龍卧處山有鳳
來時星宿中宵動風雲萬里移滄江問靈劍離
合少人知

寺中齋居簡崔內翰張侍御

徑雪草生細林寒鶯到稀傷春懷二子齋沐掩
柴扉石室栖金馬天花落繡衣分明共朝寺鵝
鷺不同飛

殿試宿禮部和馬張二光祿喬直閣諸公

東殿春朝晚南宮夜宿深鎖闥猶月色開閣更
松陰地迴神仙接天高象緯臨諸君清廟作三
嘆有餘音

皇陵

陵閣皇靈闕山河王氣遙萬年龍虎抱每夜鬼
神朝玉筮留天地金燈照寂寥如看翠華度縹
緲在青霄

登塔

古塔層城畔秋毫萬里看登高携賦客落日挑

長安天地懸相抱江山鬱自盤誰能絕頂上不
避北風寒

大祀

金榜星辰幕瑤函海岳編受禧同漢室登禪異
秦年日抱龍旂轉天流羽蓋旋楊雄老陪從白
首賦甘泉

關門

虎衛關門迴龍沙塞曲深風雲時有氣日月晝
長陰中使西來訊千官北望心天寒漢宮闕翠

蓋憶春臨

寄題丹陽孫氏七峰山房

聞爾山房勝青天秀七峰芙蓉疊日月雲霧裊
杉松壻倚山巒積窓通洞壑重源潭暗雷雨白
晝有蟠龍

會稽雜詠同周觀察作

顧璘

勾踐城何處西施宅有村山靈銷霸氣春恨倚
香魂野鳥空啼血溪花不解言怒潮來往地應
愧到吳門

暮汎秀江

桂嶺望何極孤舟行轉迷秀江斜景裏衡嶽亂
雲西宿鴈衝帆起哀猿傷客啼多愁厭鄉夢夜
坐聽鳴鷄

聞盜賊且至登壽南城樓野望有感

王九思

寇盜東南近吾生去住難舉頭惟見日何處是
長安野迥愁多壘樓高獨倚闌佩刀逢郡叟流
涕說凋殘

送王演之

邊貢

驅車度宛洛歸路及春深杳杳還家夢悠悠去
國心青山臨古渡白日下豐林憔悴逢漁父應
為澤畔吟

張秋官元德席上留別

春日江陵去烟花萬里途山川留故郢舟楫帶
三吳樹影湘流轉猿聲峽月孤郡樓登望夕天
北是皇都

贈何子元

飲馬長城窟秋風隴水鳴旌旗連朔氣笳吹咽
邊聲塵塞胡霜白龍沙漢月明共嗟班定遠身
是一書生

九日登吹臺次毛侍御韻

對酒重陽雨登樓萬里心異花開晚節群木秀
寒林鼓角連天暮風雲接塞陰王師捷何日傾
耳北來音

送都玄敬

驅馬別君處秋陰當暮生林柯無靜葉江鴈有

歸聲綠水閭門道青山建業城未能同理楫延
佇獨含情

贈別

相逢不忍別相送思悠悠風雨一宵話關山千
里愁暮潮通極浦寒鴈逐行舟短髮年年白重
看是幾秋

送張廣漢中丞觀軍留都

聞說狼山下江波帶血流中原初習戰諸將各
封侯草綠西興渡雲生北固樓經過吊陳迹春

日暫停舟

鄂渚

鄂渚維舟楫登高覽洞庭地連秋水白天入暮
山青望闕瞻星斗懷人感鶴鷓漁簫向夕起嗚
咽不堪聽

九日

白日寒城暮清秋盡角哀地偏妨采菊鄉遠怕
登臺鴻鴈天邊去風雲塞上來故交零落盡杯
酒向誰開

秦陵供事述感

陵寢居庸近山深地轉饒雄關三鎮鎖幽府百
靈朝堡堠烽全息屯兵甲半銷帝心遙可識
終古絕天驕

郊壇

晚步凌高榭春空月正明星風臨漢峙樓觀俯
神京靜夜松飈響豐年穀日晴同心隔城市相
望轉盈盈

望陵

憶在先朝日曾霑侍從恩鑾輿歸寂寞鳳質儼
生存夕日昏阡樹春風長澗蘩祠官如可乞長
奉秦陵園

尹亭夜集次柴給舍韻

憶共尚書飲蘭舟漾渚風芙蓉開月下簫管入
雲中鶴唳烟沙遠螢流水閣通重來值搖落無
復徃時同

送張進士孔昭赴南刑部

春風揚子渡江上雪初消草色連三月山名記

六朝白雲官舍近紅日帝鄉遙欲寄西來信
秦淮有落潮

入清河

朱諫

柳葉初凝綠桃花正滿林河流移故道海色變
層陰午夜一帆月征人萬里心風沙吹欲老短
髮不勝簪

淑浦山夜泊

王守仁

淑浦山邊泊雲間見驛樓灘聲迴遠樹崖影落
中流柳報新年綠人歸隔歲舟客途時極目天

北暮陰愁

漁舟

朱應登

日斜江路闊渺渺一舟還不辨烟中樹
惟看江上山遠心同澹泊幽夢入潺湲
水泊臨山寺鐘聲夜出關

送荆王公爵

深交元不厭近別轉堪憐去國逢春半
懷人見月圓鄉心吳苑柳馬首秣陵烟
願化江頭檝隨君去復旋

楚雄登樓次韻

壯心凌絕嶠遠意入危樓節序臨寒食
風烟接素秋楊雄淹蜀郡阮瑤滯陳留
漫訝懷歸賦吾生已倦游

由金州舟行至洵陽雜吟

理權出山阿迴舟泝淥波密煙交遠樹
飛嶂隱懸蘿驛路經秦少江流入楚多
青樓臨廣陌已聽大堤歌

月夜舟中聞笛

秋風日夕厲已覺露華清况有鄰舟笛能傳江
海情羯胡當北遁倦客厭南征野水東流去餘
音空月明

晚霽

孫一元

晚來雨初霽烟火隔林微一徑牛羊入孤村桑
柘稀長天下遠水積霧帶崑扉月黑聞人語溪
南種樹歸

送彭幸菴先生赴闕

多難還分手秋邊一劍雄青雲懸短夢白日照

孤忠驛竹啼山鬼江汀卧晚楓兵戈猶在眼好
奏未央宮

避寇吳興山中

日暮漁樵散山空河漢明柝聲悲永夜戎馬閉
孤城去國美人盡感時黃葉生酒杯徒自好極
目一沾纓

西湖

十里山如拭西湖背郭流僧歸虹外雨霞抱水
邊樓春事多逢醉歌聲半是愁獨憐垂釣者吾

欲共滄洲

登臺

王廷相

古人不可見還上古時臺九月悲風發三江候
鴈來浮雲通百粵寒日隱蓬萊逐客音書斷憑
高首重回

早發新壩

沱水遙通島揚帆藉穩流星搖淮浦夜月濕海
門秋世難幾人在心灰百計休時聞南去鴈還
動故鄉愁

秋日江行

客路歲年盡羈愁鬱不開幾時燕鴈到終日峽
猿哀遠徼丹心苦秋風白髮催子牟終戀關江
海幾遲迴

別劉尹良貴

與子良不淺襟期忽此違江湖一相送鶴鷺各
分飛世難幾時靖宦情今已微那堪值搖落風
露入秋衣

懷張孟復

秋光澹烟樹遠思夾愁生之子今何在飄搖紫
鳳城清風灑劔珮白日到蓬瀛青鳥書難托歲
華空屢驚

石井別業

花暗棠梨浦禽鳴桑樹林濃霞淹曙色微雨作
春陰田父班荆坐漁翁濯足吟偶來人境外銷
却宦遊心

入斜谷

宛宛褒斜谷微茫鳥道穿龍江盤地出雲棧蹴
空懸遠控三巴國遙通百粵天茲遊窮絕險不
說舊行邊

夢方思道

中宵星漢朗片月墮西林枕簟露華積軒窓涼
意深行藏安一壑江海夢同心南國無來使鴻
飛倘嗣音

卧病

徐問

竟日還歌枕秋風動客歌青山愁處遠白髮病
來多生計只書卷故園空薜蘿時時問雙鯉欲

寄洞庭波

初入棧道

許讚

梁漢起天中形連百二雄萬山爭地立一路與
雲通樹杪過人影崖頭嘯虎風我行三月暮悵
望華陰東

過黎雲精舍

徐禎卿

遠師耽宴寂趺坐石牀深留客開香積談玄就
竹林烟藤結暝翠雲磬下空音淨現青蓮色懸
知出世心

在武昌作

洞庭葉未下瀟湘秋欲生高齋今夜雨獨卧武
昌城重以棗梓念淒其江漢情不知天外鴈何
事樂南征

長陵西望秦陵

新宮猶藹藹白露已蒼蒼詎識神靈遠徒悲劒
烏藏陰風振大漠落日照漁陽稽手攀松栢雲
天灑淚長

送許補之還丹徒

明詩正卷之三十三
憐君揮手去匹馬向南天旅病青山外鄉心落
日邊燕關遍積雪淮柳動新烟驛路重雲裡相
思易隔年

虎丘寺

殷雲霄

落日青山外浮雲滄海邊江山皆勝跡樓閣自
諸天碧草生公塔丹厓陸羽泉平生獨往志欲
老翠微顛

送劉戶部乾

三月寒如此海濱春到遲無因芳草別况是落

花時南國征徭急中原鼓角悲歸朝應有待無
復計安危

青龍寺留別送行諸君子

孟洋

曉日青龍寺秋風白鴈初故人遙餞送岐路各
躊躇繡閣牽楓細丹厓綴菊踈別來江上意寂
寞問雙魚

邯鄲

行歷邯鄲縣叢臺高柳踈春風罷歌舞落日照
丘墟民物千秋改城池百戰餘黃童與白叟誰

月言正聲 卷之三十一
識趙王居

發京邑迷路投宿黑莊

鄭善夫

東省多年病南冠
百念灰關山一悵
望天漢獨歸來
行野菰蒲晚過村
笳鼓哀迷途更幾許
愁絕望鄉臺

梨關

梨關不可上戰格屹雲端
閩浙乾坤別風煙道
路難隄防莫暫廢戎馬
未全安謾想先皇日
車書達百蠻

憶殷近夫

吳門相失後書札各茫然
巢父終東去劉郎重
北遷雙鳧赴魏闕
獨鶴下青田未見風塵淨
懷君涕淚邊

今夕

薊門城下月今夕定如何
白骨凌沙礫黃塵控
駱駝羽書疲傳置胡馬
失關河天子方宵旰
孤臣淚已多

西山雜詩

西山五百寺多傍北邱岑土木春巖盡樓臺海
霧深僧皆傳玉食地更壘黃金縱目翻愁極長
安歲歲陰

吳隱君山居

吾慕漢陰老清風難具論兒童少機事麋鹿到
柴門備見幽人吉還聞靜者尊懸知出世意握
手入湘源

凭闌

錢琦

凭闌窮遠目風物正淒淒銅雀臺何在昭陵路
已迷雪消宮樹近雲合楚天低欲擬登樓賦西
林越鳥啼

送二兄赴平陽

韓邦靖

白髮雙親待青春故里過豈能忘弟妹况復有
干戈歲序冰霜劇關河涕淚多無因同去住柰
爾雁行何

聞鴈

鳴鴈蕭蕭下寒燈故故明角聲傳細雨雲色動
高城兄弟無書信乾坤有甲兵秋風歸未得聞

爾不勝情

辛巳七月一日登樓

戴冠

落日蒼梧遠孤臣獨倚樓
雲山空灑淚江海不勝愁
屬國歸無日文園病未休
不堪南極外風送九天秋

雲溪驛

方豪

雲溪風不息山路未堪行
古驛踈燈影空廊落葉聲
簿書猶自理齒髮總相驚
歸去仍他國母勞數問程

孝宗皇帝輓詩次儲柴墟韻

劉龍

易月聊從制終天不盡哀
有箴留斧扆無詔下輪臺
未展涓埃報空慚侍從才
幾時天北極重覩翠華來

和王公濟韓信廟

常倫

漢代推靈武將軍第一人
禍竒緣躡足功大不容身
帶礪山河在丹青祠廟新
長陵一杯土寂寞亦三秦

玉泉亭

武帝時乘輿金輿駐翠微至今看草樹猶似被
光輝泉迸聞仙樂雲流見画旂亭高垂回首冉
冉下斜暉



